

集部

文編卷二十二

詳校官檢討 臣徳 生 侍讀臣孫球覆勘

校對官編修臣汪 總校官進士臣楊懋珩 腾録監生臣周

牧 鏞

四 陰源必塞源墨國必亡夫水土演 有地震今三川實震是陽失其所 其序民之亂也陽 國語 伯陽父曰周将亡矣夫天地 n):] 唐順 次而不能 之 編 出; 陰 而 而

若 民 必 亡 竭 國 用也水土無演民之財用不亡何待昔仍洛 公伐驪戎克之減驟子獲驪姬以歸 河竭而商亡今周德若二代之季矣其川 亡不過十年數之紀也夫天之所棄不過 **夫國必依山川** 其姊生卓子驪姬請使中生處曲沃以速懸重耳 史蘇論驪 竭岐 姬敗 山崩十 國 山崩 國 語 年出王乃滅周乃東遷 11) 竭亡之徵 也川 立以為夫人 源又塞 竭 媽而 必 ŔĽ 崩 夏 生

欽定四庫全書

饮定四車全書 以能有常伐木不自其本必復生塞水不自其源必復 蘇朝告大夫曰二三大夫其戒之乎亂本生矣日君以 其態其亂生哉吾聞君子好好而惡惡樂樂而安安是 今君起百姓以自封也民外不得其利而内惡其貪則 驪姬為夫人民之疾心固皆至矣昔者之伐也起百姓 處蒲城夷吾處屈奚齊處絳以儆亡辱之故公許之史 上下既有判矣然而又生男其天道也天彊其毒民疾 以為百姓也是以民能欣之故莫不盡忠極劳以致 , ,

床第之 基 其 色 滅 姬 欲 必惡心不 也畜其子又從其欲子思報父之耻 公田 果 卻 從其惡心必敗國且深亂亂必自女戎三代皆 禍 見程 权虎論 不安那抑驪姬之不存側 作難殺太子而逐二公子君子曰知難本矣 不 自其基必復亂今君滅其父而畜其子 祖之気歸寢不寐卻 可謂好好其色必授之情彼得其情 伐翟祖 國語 权虎朝公語之對 公辭馬出遇士為 而 信其欲 雖 禍 レン 状、 厚 好 曰

 次定四車全書 海鳥曰爰居止于魯東門之外三日城文仲使國人 士為以告公説乃伐翟相 君臣上下各厭其私以縱其回民各有心亡所據依以 是處國不亦難乎君若伐之可克也吾不言子必言之 思其臣競蹈以求媚其進者壅塞其退者距違其上貪 以忍其下偷以幸有縱君而亡諫臣有胃上而亡忠下 日今夕君不寐必為翟祖也夫翟祖之君好專利而不 展禽論祀爰居國語 文編 <u>=</u> 祭

則 政 之展禽曰越哉臧孫之為政也夫祀國之大節也而 宜 共工氏之伯 之所成也故慎制祀以為國典今亡故而加典非 祀 社黄帝能成命百物以明民共財 柱 之 之以勞定國則犯之能禦大災則犯之能扞大思 也夫聖王之制祀也法施於民則 能殖 ,非是族也不在祀典昔烈山氏之有天下也 百穀 九有也其子曰后土能平九土故 百蔬夏之典也 周棄繼之故祀 顓頊能修之帝嚳 祀之以死 勤 いと 祀 為 其 節

老二十

黄帝而 野 能序三辰以固民堯能單均刑法以儀民舜勤民事 而 郊 而 百穀而山死文王以文昭武王去民之穢故有虞氏裕 杼 民輯真動其官而水死湯以寬治民而除其那 郊 夗 鯀 鯀鄣洪水而殛死禹能以德修縣之功契為可徒 能 稷 而宗禹商 帥 祖 祖文王而宗武王幕能帥顓頊者也有虞氏 禹者也夏后氏報馬上甲微能帥料者也商 顓 頊 人稀舜而祖契郊冥而宗湯周人 郊 竟而宗舜夏后氏稀黄帝而祖 八禘喾 顓 搜 勤 頊

大三日車だる

艾編

四

名 烈於民者也及前哲令德之人所以為民質也及天之 報 三辰民所以膽 今兹海其有災乎夫廣川之鳥獸恒知 而 矢口 山 報馬高圍太王能帥稷者也周人報馬凡稀 知者處物亡功而祀之非仁也不 此五者國之典祀也加之以社稷)1] 而 澤所 祀之以為 以出財用也非是不在祀典今海鳥至己 仰也及地之五行所以生殖也及九 國典難以為仁且 知矣夫仁者講 知 山川之神皆有功 而避其灾也 而 不 問 非 知 州 功

金河口屋 台書

Ξį +

郊宗祖

裏王使召公過及內史過賜晉惠公命吕甥卻为相晉 アニコー ハイ 季子之言不可不法也使書以為三筴 有之曰衆非元后何戴后非衆無與守邦在湯誓曰予 侯不敬晉侯執王甲拜不稽首內史過歸以告王曰晉 嚴也海多大風冬煙文仲聞柳下季之言曰信吾過也 不亡其君必無後且呂部將不免王曰何故對曰夏書 人有罪無以萬夫萬夫有罪在予一人在盤與曰國 内史過論晉君臣國語 文编

精也考中度東忠也貼明 大事之必以衆濟也故後除其心以和惠民考中度東 不敬王命棄其禮也施其所惡棄其忠也以惡實心棄 不行今晉侯即位而背內外之縣虐其處者棄其信也 則 以蒞之的明物則以訓之制義庶孚以行之核除其 則長衆使民不可不慎也民之所急在於大事先王 之藏則維女衆國之不臧則維子一人是有逸罰如是 長衆使民之道非精不和非忠不立非禮不順非 物則禮也制義庶子信也然 知

銀好四月全書

卷ニナー

古者先王既有天下又崇立上帝明神而敬事之于是 乎有朝日夕月以教民事君諸侯春秋受職于王以臨 蠻之國有斧鉞刀墨之民而况可以淫縱其身乎夫晉 幣瑞節以鎮之為班爵貴賤以列之為令聞嘉譽以聲 其民大夫士日恪位著以儆其官庶人工商各守其業 其精也四者皆棄則遠不至而近不和矣將何以守國 之猶有散遷解慢而著在刑辟流在裔土於是乎有夷 以共其上循恐有墜失也故為車服旗章以旌之為贄

文三日月 Aistin

艾编

金月口匠 亦 無 六年而晉人殺懷公無胄秦人殺子金子公 阿 將 廣 民夫天事恒象任重享大者必速及故晉侯証 玉甲替其勢也拜不稽首誣其王也替擊無鎮 之亦必及馬襄王三年而立晉侯八年而隕于韓 單襄公言陳必亡國語 其心而遠其鄰陵其民而甲其上將 誣之欲替其擊人亦將替之大臣享其禄弗 嗣也而得其位亹亹休惕保任戒懼猶曰未也若 白糧 卷二十 何以固守夫 誣 £ 而

餼 單 夫辰角見而雨畢天根見而水涸本見而草木節解 **梁埜有庾積場功未畢道無列樹墾田若藝膳宰不致** 矣道韩不可行也候不在疆司空不視塗澤不陂川 見而隕霜火見而清風戒寒故先王之教曰雨畢而 定王使軍襄公聘于宋遂假道于陳以聘于楚火朝觀 及陳陳靈公與孔寧儀行父南冠以如夏氏留賓弗見 司里不授館國無寄寓縣無施舍民將築臺于夏氏 子歸告王曰陳侯不有大咎國必亡王曰何故對 日

欠已日華人島

艾編

道 陂障川無舟梁是廢先王之教也周制有之曰列 見 チロ 林池所 者也今陳國火朝觀矣而道路若塞埜場若棄澤 而修城郭宫室故夏令曰九月除道十月成梁 水涸而成深草木節解而備藏隕霜而冬来具清 道立鄙食以守路國有郊牧疆有寓皇藪有圃草 期于可里此先王之所以不用財賄而廣施德于 曰 收而場功俯而每揭營室之中土功其始火之 以禦災也其餘無非穀土民無懸耜生無與 = 其時 椡 囱

勞 草不奪民時不蔑民功有優無置有逸無能國有班事 縣 賔 宰 百] 敵 民罷於逸樂是棄先王之法制者也問之秩官有之 有序民今陳國道路不可知田在草間功成而不 PE 國賓至関尹以告行理以節逆之候人為導卿出 致餐廪人獻飯司馬陳獨工人展車百官各以物 冠詰好虞人入材甸人積薪火師監燎水師監濯 尹除門宗祝執祀司里授館司徒具徒司空視 如歸是故 小大莫不懷愛其貴國之賓至則以 交响 塗 膳 郊 收 曰

巡守則君親監之今雖朝也不才有分族於周承王命 陳我大姬之後也棄衮冕而南冠以出不亦簡舜乎是 其伉儷妃嬪而帥其卿佐以淫于夏氏不亦賣姓矣乎 令有之曰天道賞善而罰淫故凡我造國無從非葬無 以為過實於陳而司事莫至是蔑先王之官也先王之 临淫各守爾典以承天休今陳侯不念爲續之常棄 犯先王之令也告先王之教茂帥其德也循恐隕越 等益處至于王使則皆官正治事上卿監之若王

欽定匹庫全書

之 大國之間而無此四者其能久乎六年單子如楚八 晉 陳侯殺于夏氏九年楚子入陳 若廢其教而棄其制茂其官而犯其命將何以守國 火毛田戶在前 諸 擊温季以為必相晉國相晉國 必大得諸侯勸 朝 酒交酹好貨皆厚飲酒宴語相說也明日王叔子 既克楚于耶使卻至告慶於周未將事王叔簡公 單襄公論卻氏必亡國語 卻至見名桓公與之語名公以告單襄公曰王 文編

金月山月 君子必先導馬可以樹今夫子見我以晉國之克也為 民二也軍帥殭禦三也行列治整四也諸侯輯睦五也 力方剛卒伍治整諸侯與之是有五勝也有辭 之三陳而不整五也罪不由晉晉得其民四軍之帥 良 彊 已實謀之曰微我晉不戰矣楚有五敗晉不知來我 之背宋之盟 而用幼弱三也建立卿士而不用其言四也夷鄭 勝猶足用也有五勝以伐五敗而避之者非人 也薄德而以地貼諸侯二也棄壯 也得

白量

卷ニャー

夫戰也微謀吾有三伐勇而有禮反之以仁吾三逐楚 於定四軍全書 晉國之舉也不失其次吾懼政之未及子也謂我曰夫 有軍行而以政今縣伯自下軍往是三子也吾又過于 君之卒勇也見其君必下而趨禮也能獲鄭伯而赦之 不可以不戰縣范不欲我則彊之戰而勝是吾力也且 四之無不及若佐新軍而升為政不亦可乎将必求之 仁也若是而知晉國之政楚越必朝吾曰子則賢矣抑 何次之有昔先大夫荀伯自下軍之佐以政趙宣子未 文編

貴讓且訪日獸惡其網民惡其上書曰民可近也而 卻至之謂乎君子不自稱也非以讓也惡其蓋人也夫 是其言也君以為奚若襄公曰人有言曰兵在其頸 人也其亦有七怨怨在小醜猶不可堪而况在侈卿 可 性陵上者也不可蓋也求蓋人其抑下滋甚故聖 則能長利今卻至在七人之下而欲上之是求蓋七 上也詩曰豈弟君子求福不回在禮敵必三讓是則 知民之不可加也故王天下者必先諸民然後庇

成畔戰而擅含鄭君賊也棄毅行容羞也畔國即讐佻 盡敵為上守和同順義為上故制成以果毅制朝以序 其何以侍之晉之克也天有惡於楚也故儆之以晉而 欽定四庫全書 畜義豐功謂之仁好仁為他好禮為羞好勇為賊夫戰 禮勇皆民之為也以義死用謂之勇奉義順則謂之禮 也有三奸以求替其上遠于得政矣以吾觀之兵在其 祥則天棄之不義則民勝之且卻至何三伐之有夫仁 卻至佻天以為已力不亦難乎佻天不祥乘人不義不 きニナー <u>+</u>

晉將有亂其君與三部其當之乎魯侯曰寡人思不免 盡會成公見言及晉難及卻犨之替單子曰君何患馬 其語犯卻學見其語适卻至見其語伐齊國佐見其語 柯陵之會單聚公見晉厲公視遠步高晉卻銷見單 伯與之獄王叔陳生奔晉 天必從之王叔欲卻至能勿從乎卻至歸明年死難及 不可久也雖吾王叔未能違難在大誓曰民之所欲 軍襄公論晉君臣國語

瞽史馬知天道吾見晉君之容而聽三卻之語矣殆必 於晉今君曰將有亂敢問天道乎抑人故也對曰吾非 夫合諸侯國之大事也於是乎觀存亡故國將無咎其 存體而足不步目其心必異矣目體不相從何以能久 其心矣目以處義足以步目今晉侯視遠而足高目不 禍者也夫君子目以定體足以從之是以觀其容而知 其義足高日棄其德言與日反其信聽淫日離其名 君在會步言視聽必皆無謫則可以知德矣視遠日絕

くこりきょう

實疾價厚味實腊毒今卻伯之語犯叔近季伐犯則陵 能忍之雖齊國子亦將與馬立于淫亂之國而好盡言 多好四月至書 夫卻氏晉之龍人也三卿而五大夫可以戒懼矣高 以指人過怨之本也唯善人能受盡言齊其有乎吾聞 目以處義足以踐德口以庇信耳以聽名者也故不 不慎也偏丧有咎既丧則國從之晉侯與二吾是以云 國德而鄰於不修必受其福今君偏于晉而鄰 **适則誣人伐則揜人有是寵也而益之以三怨其誰** 卷二十 位

齊晉有禍可以取伯無德之患何憂於晉 對曰詩云敬慎成儀惟民之則令尹無成儀民無則 民所不則以在民上不可以終公曰善哉何謂威儀 鮮克有終終之實難令尹其將不免公曰子何以 侯在楚北宮文子見令尹圍之威儀言于衛侯曰令 似君矣將有他志雖獲其志不能終也詩云靡不有 曰有威而 北宫文子論威儀左傅 可畏謂之威有儀而可象謂之儀君有 文編 知

欠色日月 公前

土

成儀棣棣不可選也言君臣上下父子兄弟內外大 皆有威儀也周詩曰朋友攸攝攝以威儀言朋友之道 金河口屋 長世臣有臣之威儀其下畏而愛之故能守其官職 言 1 必 族宜家順是以下皆如是是以上下能相固也衛詩 之威儀其臣畏而愛之則而象之故能有其國家令聞 則而象之也紂囚文王七年諸侯皆從之 國懷其德言畏而愛之也詩云不識不 相教訓以威儀也周書數文王之德曰大國畏其力 白量 扣 順帝之 囚紂于是 保 日

欽定四庫全書 吳公子礼來聘請觀於周樂使工為之歌周南名南 謂之有威儀也 帥 乎懼而歸之可謂愛之文王伐崇再駕而降為臣蠻夷 法德行可象聲氣可樂動作有文言語有章以臨其下 文王之行至今為法可謂象之有威儀也故君子在位 可畏施舍可愛進退可度周旋可則容止可觀作事可 服可謂畏之文王之功天下誦而歌舞之可謂則之 公子礼來聘左傅 文:编 † 29 曰

為之歌齊曰美哉泱泱乎大風也哉表東海者其大公 乎國未可量也為之歌豳曰美哉蕩乎樂而不淫其問 乎為之歌鄭曰美哉其細已甚民弗堪也是其先亡乎 是是其衛風乎為之歌王曰美哉思而不思其周之東 至也其周之舊乎為之歌魏曰美哉渢渢乎大而婉險 美哉始基之矣猶未也然勤而不怨矣為之歌邶鄘衛 曰美哉淵乎憂而不困者也吾聞衛康叔武公之德如 公之東乎為之歌春曰此之謂夏聲夫能夏則大大之

飲定四庫全書 哀而不愁樂而不荒用而不匱廣而不宣施而不費 乎猶有先王之遺民馬為之歌大雅曰廣哉熙熙乎曲 為之歌小雅曰美哉思而不貳怨而不言其周德之衰 若是為之歌陳曰國無主其能久乎自鄶以下無譏馬 倨 而有直體其文王之德乎為之歌頌曰至矣哉直而 陶唐氏之遺民乎不然何憂之遠也非令德之後誰能 而易行以德輔此則明主也為之歌唐曰思深哉其有 曲而不屈邇而不倡遠而不攜遷而不淫復而不厭 , 文

盛德其蔑以加於此矣觀止矣若有他樂吾不敢請 至矣哉大矣如天之無不情也如地 日美哉勤而不德非禹其誰能修之見舞韶前者曰德 **曰聖人之弘也而猶有慙德聖人之難也見舞大夏者** 見舞大武者曰美哉周之盛也其若此乎見舞部獲者 有序盛德之所同也見舞象前南喬者曰美哉猶有憾 而 不會處而不底行而不流五聲和八風平節有度守 晏嬰叔向論齊晉左傳 老二十 之無不載也 雖

量皆登一馬鍾乃大矣以家量質而以公量收之山木 齊其為陳氏矣公棄其民而歸於陳氏齊舊四量豆區 宴相與語叔向曰齊其如何晏子曰此季世也吾弗知 齊侯使晏嬰請繼室於晉既成昏晏子受禮叔向從之 欠こうる とれ 踊 如市弗加于山魚鹽屋蛤弗加于海民參其力二入於 釜鍾四升為豆各自其四以登於金釜十則鍾陳氏三 公而衣食其 貴民人痛疾而或與休之其愛之如父母而歸之 公聚朽蠹而三老凍飯國之諸市優賤

卻 金戶四月全書 何 日 馬 流水欲無獲民將馬辟之箕伯直柄虞遂伯戲其相 不悛以樂怕憂公室之甲其何日之有讒異之銘曰昧 室滋侈道殣相望而女富溢尤民聞公命 叔向日晉之公族盡矣附聞之公室將甲其宗族枝 骨原狐續慶伯降在皂隸政在家門民無所依君日 不顯後世猶怠況日不俊其能久乎晏子曰子將若 不獨卿無軍行公乘無人卒列無長庶民罷敝而宫 姬已在齊矣叔向曰然雖吾公室今亦季世也戎 如逃寇響藥 胡

洩及良止以撫之乃止子大叔問其故于産曰鬼有所 鄭 葉先落則公從之防之宗十 欠己日早入島 平之月壬寅公孫段卒國人愈懼其明月子產立公孫 書之歲二月或夢伯有介而行曰壬子余將殺帶也明 年壬寅余又將殺段也及壬子駟帶卒國人益懼齊燕 又無子公室無度幸而得死豈其獲祀 人相驚以伯有曰伯有至矣則皆走不知所往鑄 子產論伯有為厲左傅 文编 一族惟羊舌氏在而已肟

鄭雖 金罗巴尼之雪 猶能為鬼子子產曰能人生始化曰 魄既生魄陽曰魂 説 歸乃不為厲吾為之歸也太叔曰公孫洩何為子產曰 殭 用 不信不信民不從也及子產適晉趙景子問馬曰伯 物精多則寬見强是以有精具至于神明匹夫匹婦 也為身無義而圖說從政有所反之以取媚也不媚 死其寬魔猶能馬依於人以為淫厲况良霄我先君 公之胄子良之孫子耳之子敢邑之卿 無腆抑誘曰蕞爾國而三世執其政柄其用物 卷二十 從政三世矣 有

弘矣其取精也多矣其族又大所馬厚矣而殭死能為 鬼不亦宜乎 欠足四軍全島 在晉十三年矣晉楚之從不聞達者可謂無人族盡親 取 日同惡相求如市費馬何難對曰無與同好誰與同惡 而無謀三也有謀而無民四也有民而無德五也子干 國有五難有罷而無人一也有人而無主二也有主 干歸韓宣子問於叔向日子干其濟乎對日難宣子 权向論楚子干得國左傳 文编

弑舊君誰能濟之有楚國者其棄疾乎君陳蔡城外屬 馬苛惠不作盗賊伏隐私欲不違民無怨心先神命之 亡無愛徵可謂無德王虐而不忌楚君子干涉五難以 民二也令德三也寵貴四也居常五也有五利以去五 國民信之羊姓有亂必季實立楚之常也獲神一也有 以神所命則又遠之其貴亡矣其寵棄矣民無懷馬國 可謂無主無釁而動可謂無謀為羈終世可謂無民 誰能害之子干之官則右尹也數其貴寵則無子也

無與馬將何以立宣子曰齊桓晉文不亦是乎對曰齊 次定四車全書 善齊肅不藏賄不從欲施舍不倦求善不厭是以有國 桓衛姬之子也有寵於僖有鮑叔牙賓須無隰朋以為 腹心有魏犨賈佗以為股肱有齊宋秦楚以為外主有 而不貳生十七年有士五人有先大夫子餘子犯以為 不亦宜乎我先君文公狐季姬之子也有龍於獻好學 佐有苔衛以為外主有國高以為內主從善如流 卻狐先以為內主亡十九年守志彌篤惠懷棄民民 文編

援于 從 此 而民實則之則 子產曰夫禮天之經也地之義也民之行也天地之 セ 非禮 太叔見趙簡子簡子問揖讓周旋之禮馬對曰是 而與之獻無異親民無異望天方相晉將何以代 君者具于子干共有龍子國有與主無施于民 外去晉而不送歸楚而不逆何 子太叔對趙簡子問禮 也簡子曰敢問何謂禮對曰古 天之明 因 池 之 左傅 性生其六氣用其五 以冀國 也聞諸先大夫 無 經

弟姑娣甥舅昏媾姻亞以象天明為政事庸力行務 氣為五味發為五色章為五聲淫則昏亂民失其性是 慈惠和以效天之生殖長育民有好惡喜怒哀樂生於 采五章以奉五色為九歌八風七音六律以奉五聲為 故為禮以奉之為六畜五牲三樣以奉五味為九文六 シニラミ 六氣是故審則宜類以制六志哀有哭泣樂有歌舞喜 從四時為刑罰威獄使民畏忌以類其震曜殺戮為温 君臣上下以則地義為夫婦外內以經二物為父子兄 11.1 艾编 **7**

者謂之成人大不亦宜乎簡子曰鞅也請終身守此言 b 物 禍 之 有施舍怒有戰勵喜生于好怒生于惡是故審行信 曰甚哉禮之大也對曰禮上下之紀天地之經緯也民 官也哀樂不失乃能叶于天地之性是以長久簡子 所以生也是以先王尚之故人之能自曲直以赴 福賞罰以制死生生好物也死惡物也好物樂也惡 沈尹戍論子常城郢 左傅 令

多玩四屏全書

卷二十

城無益也古者天子守在四夷天子甲守在諸侯諸侯 楚囊瓦為令尹城郢沈尹戍曰子常必亡野苟不能衛 守在四鄰諸侯甲守在四境慎其四境結其四援民押 プロでは から 官守守其交禮不借不貪不懦不者完其守備以待 其土田險其走集親其民人明其五候信其鄰國慎其 溝其公宮而民潰民棄其上不亡何待夫正其疆場修 是懼而城于野守已小矣果之不獲能無亡乎昔沒伯 其姓三務成功民無內憂而又無外懼國馬用城今吳 艾编

問畜聚積實如餓豺狼馬殆必亡者也夫古者聚貨不 虞又何畏矣詩曰無念爾祖聿修厥德無亦監乎若敖 動玩四月 全書 妨民衣食之利聚馬不害民之財用國馬足以行軍 其弟曰楚其亡乎不然令尹其不免乎吾見令尹令 關旦廷見令尹子常子常與之語問當貨聚馬歸以 圻 蚡胃至于武文土不過同慎其四境猶不城郢今土 而郢是城不亦難予 關旦論子常必亡國語

欽定四車全書 馬是勒民以自封也死無日矣我逃死非逃富也故莊 馬足以稱賦不是過也公貨足以賓獻家貨足以共用 之禄必逃王止而後復人謂子文曰人生求富而子逃 故也成王聞子文之朝不及夕也于是乎每朝設脯 將何以封矣昔關子文三舍令尹無一日之積恤民之 不是過也夫貨馬郵則關於民民多關則有離畔之心 何也對曰夫從政者以庇民也民多曠者而我取富 一筐以羞子文至于今令尹秩之成王每出子文 文編

賢于成靈子成不禮于穆願食熊踏不獲而死靈王不 壘道強相望盜賊司目民無所放是之 不恤而畜聚不 顧于民一國棄之如遺迹馬子常為政而無禮不顧甚 民心之愠也若防大川馬潰而所犯必大矣子常其能 厭其速怨於民多矣積貨滋多畜怨滋厚不亡何待夫 而相楚君無令名于四方民之羸餒日日已甚四境盈 臣是不先恤民而後已之富乎今子常先大夫之後也 王之世滅者敖氏唯子文之後在至於今處即為楚良

於成靈其獨何力以待之期年乃有相舉之戰子常奔 鄭昭王奔隨 倍貳故天有三辰地有五行體有左右各有配耦王有 君死於外而莫之或罪也對曰物生有兩有三有五有 趙簡子問於史墨曰季氏出其君而民服馬諸侯與之 公諸侯有卿皆有貳也天生季氏以貳會侯為日久矣 史墨論季氏出君左傅

. 丈

民之服馬不亦宜乎魯君世從其失季氏世修其勤民

昔成季友桓之李也文姜之愛子也始震而卜 為庶主所知也在易卦雷乘乾曰大肚三三天之道 自古以然故詩曰髙岸為谷深谷為陵三后之姓於今 忘君矣雖死於外其誰於之社稷無常奉君臣無常位 有文在其手曰友遂以名之既而有大功於魯受費以 之曰生有嘉聞其名曰友為公室輔及生如卜人之言 而東門遂殺嫡立無魯君於是乎失國政在季氏於 上卿至于文子武子世增其業不廢舊續曾文公竟

君也四公矣民不知君何以得國是以為君慎器與名 周 塞轘轅族氏之口當屯留之道魏絕南陽楚臨南鄭 てこりき バド Ē 自 新城宜陽以臨二周之郊 馬錯與張儀爭論於秦惠王前司馬錯欲伐蜀張儀 可以假人 知不救 如伐韓王曰請聞其說對曰親魏善楚下兵三 司馬錯與張儀爭論戰回策 九民實器必出據九男按圖籍挾天 文編 誅周主之罪侵楚魏之 孟 地

|我狄之長也敞兵勞衆不足以成名得其地不足以為 動定匹庫全書 長也而有祭紂之亂以秦攻之辟如使豺狼逐羣年 利 市朝也而王不爭馬顧爭於戎狄去王業遠矣司馬錯 令天下天下莫敢不聽此王業也今夫蜀西僻之國而 民欲王者務博其德三資者備而王隨之矣今王之地 民貧故臣願從事於易夫蜀西僻之國也而戎狄之 臣聞爭名者于朝爭利者于市今三川周室天下 不然臣聞之欲富國者務廣其地欲强兵者務富其 卷二十

義之名而攻天下之所不欲危臣請謁其故周天下之 彼已服矣故援一 取其地足以廣國也得其財足以富民繕兵不傷衆而 宗室也韓周之與國也問自知失九鼎韓自知亡三 名今攻韓劫天子劫天子惡名也而未必利也又有不 不以為會是我一舉而名實兩附而又有禁暴正亂之 以冉與楚以地與魏王不能禁此臣所謂危不如伐蜀 則必將二國并力合謀以因于齊趙而求解平楚 國而天下不以為暴利盡四海諸侯

欠已日戶八三丁

文编

蓑

标羅納曳綺毅而士不得以為緣 管燕得罪齊王謂其左右曰子孰而與我赴諸侯乎左 定蜀蜀主更號為侯而使陳莊相蜀蜀既屬秦益强富 金牙四月五十 之完也惠王曰善寡人聽子卒起兵伐蜀十月取之 厚輕諸 侯 默然莫對管燕連然流涕曰悲夫士何其易得而難 也田需對曰士三日不得壓而君楊爲有餘食 田需對管燕 戰國策 且財者君之所輕死

者士之所重君不肯以所輕與士而青士以所重事君 蘇代謂燕昭王曰今有人於此孝如曾參孝已信如尾 非士易得而難用也 欠己日長公馬 之事歸耕于周之上地耕而食之織而衣之王曰何故 也對日孝如曾參孝已則不過養其親耳信如尾生高 生高廉如鮑焦史鮪兼此三行以事王奚如王曰如是 足矣對曰足下以為足則臣不事足下矣臣且處無為 蘇代謂燕昭王戰國策 艾編

金グロ 俱立仁義者自完之道也非進取之術也王曰自憂不 足手對曰以自愛為足則秦不出殺函齊不出管丘楚 耳今臣為進取者也臣以為廉不與身 俱達義不與生 則 者使照毋去周室之上則諸侯不為別馬而朝矣臣 愛而足則臣亦周之員龍耳何為煩大王之廷耶昔者 不出疏章三王代位五伯改政皆以不自愛故也若自 取章武諸侯北面而朝秦取西山諸侯西面而朝 不過不欺人耳廉如鮑焦史鰌則 不過不竊人之財

飲定四車全書 為上即奉子車百東子以此為寡人東游於齊何如對 罷於楚則齊軍可敗而河間可取照王曰善吾請拜子 嚮伐齊之心而愚臣知之王曰子何以知之對曰矜戟 揆其兵之强弱故功不可成而名不可立也今主有東 砥劍登丘東嚮而歎是以愚臣知之今夫烏獲舉干鈞 可成而名可立也不能為事者不先量其國之大小不 之善為事者先量其國之大小而揆其兵之强弱故功 之重行年八十而求扶持故齊雖强國也西勞於宋南 文編

左右王曰安有為人臣盡其力竭其能而得罪者乎對 妻曰勿憂也吾已為藥酒而待其來矣已而其丈夫果 歸其妻愛人其所愛者曰子之丈夫來則且奈何乎其 來于是因令其妾酌樂酒而進之其妾知之半道而立 今臣之所以事足下者忠信也恐以忠信之故見罪於 孫不得而乃以與亡能之臣何也王之論臣何如人 曰臣請為王警告周之上地常有之其丈夫宦 三年不 曰足下以愛之故與何不與愛子與諸舅叔父負床之

賢主乎臣請行矣願足下之無制于羣臣也 於衆人匹夫徒步之士不制於妻妾而又况於當時之 右也臣聞之曰萬乘之主不制於人臣十乘之家不制 以答者忠信也今臣為足下使於齊恐忠信不諭于左 酒今妾奉而仆之其丈夫不知縛其妾而笞之故妾所 于是且伴僵而仆之其妻曰為子之遠行來之故為美 慮曰吾以此飲吾主父則殺吾主父以此事告吾主父 則逐吾主母以殺吾主父逐吾主母者寧伴躓而覆之 产

故 一 飲定匹庫全書 曾不能疾走不得見久矣竊自恕恐太后王體之有所都也 安君為質兵乃出太后不肯大臣殭諫太后明謂左右 趙太后新用事秦急攻之趙氏求救於齊齊曰必以長 曰恃衛耳曰老臣今者殊不欲食乃自强步日三四里 見太后盛氣而揖之入而徐趨至而自謝日老臣病足 有復言令長安君為皆者老婦必唾其面左師觸警願 願望見太后曰老婦侍輦而行曰日食飲得無衰乎 觸聽請長安君為質戰國策

てこうき ノバ 令補黑衣之數以衛王宮沒死以聞太后曰敬諾年幾 少益皆食和於身日老婦不能太后之色少解左 計深遠媼之送燕后也持其踵為之泣念悲其遠也亦 過矣不若長安君之甚左師公曰父母之愛子則為之 異甚對曰老臣竊以為婦之愛燕后賢于長安若曰君 師公曰老臣賤息舒祺最少不肖而臣衰竊愛憐之願 日丈夫亦愛憐其少子乎對日甚於婦人太后日婦 何矣對曰十五歲矣雖少顧及未填溝壑而託之太后

金克四月全書 在者乎曰無有曰微獨趙諸侯有在者乎曰老婦不聞 今三世以前至于趙之為趙趙王之子孫侯者其幾有 非計久長有子孫相繼為王也哉太后曰然左師公曰 京之矣已行非弗思也祭祀必祝之祝曰必勿使反豈 **妈尊長安之位而封以膏腴之地多予之重器而不及** 今令有功於國一旦山陵崩長安君何以自託于趙老 必不善哉位尊而亡功奉厚而無劳而挾重器多也今 此其近者禍及身遠者及其子孫豈人主之子孫則

能恃無功之尊無勞之奉以守金玉之重也而况人臣 歸齊王隘之予我東地五百里乃歸子子不予我不得 楚襄王為太子之時質于齊懷王竟太子解于齊王而 齊兵乃出子義聞之曰人主之子也骨向之親也猶不 曰諾恣君之所使之于是為長安君約車百乗質于齊 楚王用羣臣計不予齊地戰國策 文編 Ŧ

臣以媪為長安君計短也故以為其愛不若燕后太后

金河口尼台量 命齊王曰敬獻地五百里齊王歸楚太子太子歸即位 歸太子曰臣有傳請退而問傅傅慎子曰獻之地所 羣臣歸社稷也以東地五百里許齊今來求地為之奈 其計上柱國子良入見王曰寡人之得求反主墳墓復 使來求東地為之奈何慎子曰王明日朝羣臣皆令獻 為王齊使車五十來來取東地於楚楚王告順子曰齊 為身也愛地不送死父不義臣故曰獻之便太于入致 何子良曰王不可不與也王身出王聲許强萬乘之齊

許萬乗之强齊也而不與負不義於天下楚亦不能獨 之昭常出景鯉入見王曰齊使來求東地五百里為之 萬乘之號而無千乘之用也不可臣故曰勿與常請守 來求東地五百里為之奈何昭常曰不可與也萬乗者 之信攻之武臣故曰與之子良出昭常入見王曰齊使 而不與則不信後不可以約結諸侯請與而復攻之與一 奈何景鯉曰不可與也雖然楚不能獨守王身出王聲 以地大為萬聚今去東地五百里是去戰國之半也有

大巴马里白馬

Ī

然楚不能獨守也臣請索救于秦寡人誰用於三子之 慎子曰子良見寡人曰不可不與也與而復攻之常見 守臣請西索救于秦景鯉出慎子入王以三大夫計告 五十乘而北獻地五百里於齊發子良之明日遣的常 寡人曰不可與也常請守之鯉見寡人 為大司馬令往守東地遣昭常之明日遣景鯉車五十 臣請効其說而王且見其誠然也王發上柱國子良車 計慎子對曰王皆用之王怫然作色曰何謂也慎子曰 一不可與也雖

Aller 1.7

龙二十

典主東地且與死生悉五尺至六十三十餘萬敝甲鈍 栗西索救于秦王曰善乃遣子良北獻地於齊遣子良 兵願承下塵齊王謂子良曰大夫來獻地今常守之何 大與兵攻東地伐昭常未涉疆秦以五十萬臨齊右壤 如子良曰臣身受命敝邑之王是常矯也王攻之齊王 于秦子良至齊齊使人以甲受東地昭常應齊使曰我 之明日立胎常為大司馬使守東地又遣景鯉西索救 曰夫 隘楚太子弗出不仁又欲奪之東地五百里不義!

しいりき たけ

文编

楚西使秦解齊患士卒不用東地復全 中立王君因謂其新王曰與我下東國吾為王殺太子 楚王死太子在齊質蘇子泰謂薛公曰君何不留楚太 則是我抱空質而行不義于天下也蘇子秦曰不然郢 其縮甲則可不然則願待戰齊王恐馬乃請子良南道 不然吾將與三國共立之然則下東國必可得也蘇子 以市其下東國薛公曰不可我留太子郢中立王然 蘇子論留楚太子戰國策 卷二十

多戶四月全書

てこうき から 名于天下也薛公曰善為之奈何對日臣請為君之楚 蘇子自解于薛公蘇子秦謂薛公曰臣聞謀泄者事亡 蘇子泰請封于楚可以使人說薛公以善蘇子可以使 於楚可以忠太子而使楚益入地可以為楚王走太子 秦之事可以請行可以令楚王丞入下東國可以益割 非亟得下東國者則楚之計變變則是君抱空質而員 功計不决者名不成今君留楚太子者以市下東國也 可以忠太子使之丞去可以惡蘇子秦於薛公可以為 文编 きせ

勢 東國則太子且倍王之割而使齊奉已楚王曰謹受命 遣之故曰可以請行也謂楚王曰齊欲奉太子而立之 因 使亟入下東國之地楚得成則君無敗矣薛公曰善 君以忠太子使楚王聞之可以益入地 臣觀薛公之留太子者以市下東國也今王不亟入 楚謂太子曰齊奉太子而立之楚王請割 可多割也薛公曰奈何請告太子其故使太子謁 下東國故曰可以使楚重入地也謂薛公曰楚之 故曰可以益割 地以留 固

金页

四周分書

+

雙而得齊交也楚王大說曰請以國因故曰可以為楚 齊之所以多割地者挾太子也今已得地而求不止者 獻之尚恐事不成故曰可以使楚益入地也謂楚王曰 子太子曰善倍楚之割而延齊楚王聞之恐益割地而 子齊少其地太子何不倍楚之割地而資齊齊必奉太 於王也王因馳强齊而為交齊辭必聽王然則是王去 以太子權王也故臣能去太子太子去齊無辭必不 王使太子亟去也謂太子曰夫制楚者王也以空名市 倍

欠三日月 八十

文編

毒

太子必危矣太子其圖之太子曰謹受命乃約車而墓 金河正匠台潭 立楚太子者又蘇子秦也割地因約者又蘇子秦也忠 大怒於蘇子秦故曰可以使人惡蘇子於薛公也奉王而代 子去者又蘇子秦也而君弗知也臣竊為君疑之薛 楚也蘇于秦恐君之知之故多割楚以滅跡也今勸太 勸留太子者蘇于秦也蘇子秦非誠以為君也且以便 去故曰可以使太子急去也蘇子秦使人請薛公曰夫 者太子也齊未必信太子之言也而楚功見矣楚交成 卷二十一

次定四車全書 也又使景經請薛公日君之所以重於天下者以能得 秦善於楚王而君不承親則是與楚為讐也故君不 側以其為齊薄而為楚厚也願王之知之楚王曰謹受命 王而走太子者又蘇子秦也今人惡蘇子秦於薛公之 少有君因不善蘇子春則是圍塞天下士而不利說途 天下之士而有齊權也今蘇子秦天下之辨士也世與 因封蘇子春為武貞君故曰可以為蘇子春請封於楚 也夫不善君者且奉蘇子秦而于君之事殆矣今蘇子 文編

萬春兵遂東圍即即趙王恐諸侯之救兵莫敢擊春軍 使客將軍新垣行間入邯鄲因平原君謂趙王曰秦所 魏安釐王使將軍晉鄙救趙畏秦止于荡陰不進魏王 趙孝成王時秦王使白起破趙長平之軍前後四十 為急圍趙者前與齊湣王争强為帝已而復歸帝今 日可以為蘇子秦説薛公以善蘇子秦 因而親之貴而重之是君有楚也薛公因善蘇子秦故 魯仲連責新垣行史記 餘

欠已日早公告! 賢公子也吾乃今然後知君非天下之賢公子也梁客 復求為帝趙誠發使尊泰昭王為帝秦必喜罷兵去平 潘王已益弱方今唯秦雄天下此非必貪邯鄲其意欲 邯鄲而不能去魏王使客將軍新垣行令趙帝春今其 君曰勝也何敢言事前亡四十萬之衆於外今又內圍 魏將欲令趙尊春為帝乃見平原君曰事將奈何平原 原君猶豫未有所决此時魯仲連適遊趙會秦圍趙聞 人在是勝也何敢言事魯仲連曰吾始以君為天下之 文編 美

新 此圍城之中 衍 新 王貌非有求于平原君者也曷為久居此圍城之中 有職吾不顧見曾仲連先生平原君曰勝既已泄之矣 連先生者今其人在此勝請為紹介交之于將軍新 介而見之于先生平原君遂見新垣衍曰東國有魯仲 垣 垣行許諾魯連見新垣仍而無言新垣仍曰吾視 曰吾聞魯仲連先生齊國之高士也行人臣也使事 行安在吾請為君青而歸之平原君曰勝請為 者皆有求於平原君者也今吾觀先生之 居 垣

金足口屋台電

欠巴口戶在等 之魯連曰梁未睹泰稱帝之害故耳使梁睹秦稱帝 請以從矣若乃梁者則吾乃梁人也先生惡能使深 使其士屬使其民彼即肆然而為帝過而為政於天 将使梁及燕助之齊楚則固助之矣新垣行曰燕則吾 者欲以助趙也新垣衍曰先生助之将奈何魯連曰吾 則連有蹈東海而死耳吾不忍為之民也所為見將軍 人不知則為一身依秦者棄禮義而上首功之國也權 不去魯仲連曰世以鮑焦為無從煩而死者皆非也衆 文編 ŧ

力 害則必助趙矣新垣衍曰秦稱帝之害何如魯連曰昔 怪 **新齊威王勃然怒曰叱嗟而母婢也卒為天下笑故生** 赴于齊曰天崩地拆天子下席東藩之臣田嬰齊後至 則 諸 者齊威王皆為仁義矣率天下諸侯而朝周問貧且微 朝周 新垣行曰先生獨不見夫僕乎十人而從 不勝而智不若邪畏之也魯仲連 侯莫朝而齊獨朝之居歲餘周烈王崩齊後往問 死 則 叱之誠不忍其求也彼天子固然其亡足 日鳴呼梁之比於 人者寧

金牙巴尼白量

卷二十

昔者九侯鄂侯文王紂之三公也九侯有子而好獻之 秦若僕邪新垣行曰然魯仲連曰吾將使秦王烹醢祭 於紂紂以為惡醢九侯鄂侯爭之强辨之疾故脯鄂侯 生又惡能使秦王烹醢梁王魯仲連曰固也吾將言之 欠足四軍在告! 曷為與人俱稱王卒就脯醢之地齊洛王將之魯夷維 文王聞之喟然而歎故拘之羑里之庫百日欲令之死 王新垣行快然不悦曰噫嘻亦太甚矣先生之言也先 子為執策而從謂魯人曰子將何以待吾君魯人曰吾 文編 卖

将以十太牢侍子之君夷維子曰子安取禮而來吾君 棺設北面于南方然後天子南面吊也鄒之羣臣曰必 彼吾君者天子也天子巡狩諸侯辟舍納莞籥攝袵抱 若此吾将伏劍而死故不敢入于都鄉魯之臣生則 王欲入吊夷維子謂鄉之孤曰天子吊主人必將倍殯 不果納不得入于魯將之薛假途于鄒是時鄒君死洛 事養死則不得轉樣然且欲行天子之禮于鄉魯鄉 視膳于堂下天子已食乃退而聽朝也魯人投其篇 老二十

賢奪其所僧而與其所愛彼又將使其子女讒妄為諸 魯之臣不果納今秦萬東之國也深亦萬東之國也俱 帝則且變易諸侯之大臣彼將奪其所不肖而與其所 據萬栗之國各有稱王之名睹其一戰 而勝欲從而帝 以得故龍乎于是新垣行起再拜謝曰始以先生為庸 侯妃姬處梁之宮梁王安得晏然而已乎而將軍又何 之是使三晉之大臣不如鄒魯之僕妾也且秦無已而 人吾乃今日知先生為天下之士也吾請出不敢復言

|次定四車全書

文編

芜

蔡澤乃西入秦將見昭王使人宣言以感怒應侯曰燕 蔡澤聞應侯任鄭安平王稽皆員重罪于秦應侯內慙 客蔡澤天下雄俊弘辯智士也彼一見秦王秦王必因 蔡澤說應侯辭位史記

君而奪君之位應侯聞曰五帝三代之事百家之說吾

知之飛口之辨吾皆摧之是惡能困我而奪我位乎

人召蔡澤蔡澤入則揖應侯應侯固不快及見之又

貴顯祭成理萬物使各得其所性命壽長終其天年 而 時之序成功者去夫人生百體堅强手足便利耳目聰 尺三丁三 八十 義行道施德得志于天下天下懷樂敬愛而尊慕之皆 日然應侯曰請聞其說蔡澤曰吁君何見之晚也夫四 据應侯因讓之曰子常宣言欲代我相秦寧有之乎對! 不夭傷天下終其統守其業傳之亡窮名實純粹澤流 明而心聖智豈非士之顧與應侯曰然蔡澤曰賢仁東 以為君王豈不辯智之期與應侯曰然蔡澤復曰富 义編 7

賞罰以致治披腹心示情素蒙怨咎欺舊友奪魏公子 澤之欲困已以說復謬曰何為不可夫公孫鞅之事孝 君楚之吳起越之大夫種其卒然亦可願與應侯知蔡 千里世世稱之而無絕與天地終始豈道德之符而聖 之事悼王也使私不得害公讒不得蔽忠言不取苟合 人所謂吉祥善事者與應侯曰然察澤曰若夫秦之商 極身而無貳應盡公而不顧私設刀鋸以禁奸邪信 安秦社稷利百姓卒為秦禽將破敵攘地千里吳起 卷二十

金丘四库全律

欠已日年 二十 自家之福也故比干忠而不能存殷子胥智而不能完 行不取苟容不為危易行行義不辟難然為霸王殭國 天下之盛福也君明臣直國之福也父慈子孝夫信妻 義之所在雖死無所恨何為不可哉蔡澤曰主聖臣賢 此三子者固義之至也忠之節也是故君子以義死難 主雖絕亡盡能而弗離成功而弗於貴富而不驕怠若 不辭禍山大夫種之事越王也主雖因辱悉忠而不解 死如歸生而辱不如死而禁士固有殺身以成名唯 文編

金五正屋台書 仲不足大也夫人之立功豈不期于成全邪身與名俱 死 憐其臣子今商君吳起大夫種之為人臣是也其君非 吳中生孝而晉國亂是皆有忠臣孝子而國家滅亂者 也故世稱三子致功而不見德豈慕不遇世死乎夫待 何也無明君賢父以聽之故天下以其君父為僇辱而 而後可以立忠成名是微子不足仁孔子不足聖管

者下也于是應侯稱善蔡澤少得問因曰夫商君吳起

全者上也名可法而身死者其次也名在僇辱而身全

夫種弗若也蔡澤曰然則君之主慈仁任忠惇厚舊故 大夫種其為人臣盡忠致功則可願矣閱天事文王周 政治亂殭兵批患折難廣地植穀富國足家彊主尊社 臣不過春孝公楚悼王越王君之設智能為主安危修 楚悼王越王乎應侯曰未知何如也蔡澤曰今主親忠 其賢智與有道之士為膠漆義不倍功臣孰與秦孝 公輔成王也豈不亦忠聖乎以君臣論之商君吳起大 種其可願孰與國天周公旦哉應侯曰商君吳起大

足三日月 公子

孝公悼王勾践而君之功績愛信親幸又不若商君吳 移月滿則虧物盛則衰天地之常數也進退盈縮與時 種應侯曰不若蔡澤曰今主之親忠臣不忘舊故不若 萬里之外聲名光輝傳于千世君孰與商君吳起大夫 起大夫種然而君之禄位貴盛私家之富過於三子而 顯宗廟天下莫敢欺犯其主主之威蓋震海內功彰 化聖人之常道也故國有道則仕國亡道則隱聖 不退者恐患之甚于三子竊為君危之語曰日中則

金河口屋

白重

感於餌也蘇秦智伯之智非不足以辟辱遠死也而所 欠足四种心島 天下至于葵丘之會有騎於之志畔者九國吳王夫差 有度使之以時用之有止故志不溢行不驕常與道俱 以死者感于貪利不止也是以聖人制禮節欲取於民 君之怨已響而德已報意欲至矣而無變計竊為君不 而不失故天下承而不絕昔者齊桓公九合諸侯一匡 取也且夫翠鵠犀象其處勢非不遠死也而所以死者 曰飛龍在天利見大人不義而富且貴於我如浮雲今

耕農利土一室無二事力田稿積習戰陳之事是以兵 度量調輕重决裂阡陌以静生民之業而一其俗勸民 秦孝公明法令禁好本尊爵必賞有罪必罰平權衡正 白ラし 秦國之業功已成矣而遂以車裂楚地方數千里持戟 動而地廣兵休而國富故秦無敵於天下立威諸侯成 至盛而不返道理不居甲退處儉約之患也夫商君為 國夏育太史激叱呼駭三軍然而身死於庸夫此皆乗 兵無敵於天下勇彊以輕諸侯陵齊晉故遂以殺身亡 1111

起為楚悼王立法甲減大臣之威重罷無能廢無用損 身所服者七十餘城功已成矣而遂賜劍死于杜郵吳 遂 陵再戰南并蜀漢又越韓魏而攻彊趙北坑馬服誅屠 敵也自是之後楚趙皆懾伏不敢攻秦者白起之勢也 不急之官塞私門之請一楚國之俗禁游客之民精耕 四十餘萬之衆盡之於長平之下流血成川沸聲若雷 百萬白起率數萬之師以與楚戰一 入園邯鄲使秦有帝業楚趙天下之彊國而秦之仇 戰舉耶野以焼夷

とこる 声から

支编

四古

四子者功成不去禍至於此此所謂信而不能訟 免會稽之危以古為存因辱為榮墾草入邑辟地殖穀 不能返者也范蠡知之超然辟世長為陶朱公君獨 服 翩 勁吳令越成霸功已彰而信矣勾踐終負而殺之 諸侯功已成矣而卒枝解大夫種為越王深謀遠計 四方之士專上下之力輔勾踐之賢報夫差之雙卒 其口禁朋黨以属百姓定楚國之政兵震天下威 性而

金克四月五章

戰之士南收揚越北并陳蔡破橫散從使馳說之士

處 觀夫博者乎或欲大投或欲分功此皆君之所明知也 人口可以 八十 見面之容鑒於人者知吉與玄書曰成功之下不可久 不退則商君白公吳起大夫種是也吾聞之鑒於水者 以實宜陽决羊腸之險塞太行之道又斬范中行之塗 一欲得矣君之功極矣此亦秦之分功之時也如是而 國不得合從棧道干里通於蜀漢使天下皆畏秦秦 君相秦計不下席謀不出廊廟坐制諸侯利施三川 四子之禍君何居馬君何不以此時歸相印讓賢者 文編 置

睢 金河四周分書 矢口 禍矣易曰亢龍有悔此言上而不能下信而不能訟 哉 稱 而授之退而嚴居 而 敬受命 PP 止失其所 不能自反者也顧君熟計之應侯曰善吾聞欲而 孤而有許由延陵季子之讓喬松之壽孰與以禍 文編卷二十 君何 居馬忍不能自離疑不能自 以欲有而不知足失其所 川觀必有伯夷之廉長為應侯世 决必有四子 以有先生幸 終 徃

飲むの車全書--旋其面目望洋向岩而數曰野語有之曰間道百以為 馬於是馬河伯欣然自喜以天下之美為盡在已順流 秋水時至百川灌河涇流之大兩溪渚崖之間不辨牛 欽定四庫全書 而東行至於北海東面而視不見水端於是馬河伯始 文編卷二十二 秋水莊子 明 唐順之 編

時也由士不可以語於道者東於教也今爾出於崖笑 莫巳若者我之謂也且夫我嘗問少仲尼之聞而輕伯 觀於大海乃知爾醌爾將可與語大理矣天下之水莫 之門則始矣吾長見笑於大方之家北海若曰井盡不 夷之義者始吾弗信今我賭子之難窮也吾非至於子 可以語於海者拘於虛也夏蟲不可以語於氷者寫於 何時已而不虚春秋不變水旱不知此其過江河之流 大於海萬川歸之不知何時止而不盈尾問泄之不知

欽定四庫全書 而受氣於陰陽吾在於天地之間猶小石小木之在大 所爱任士之所勞盡此矣伯夷辭之以為名仲尼語之 毫末之在於馬體乎五帝之所連三王之所爭仁人之 食之所生舟車之所通人處一馬此其比萬物也不似 之在太倉子號物之數謂之萬人處一馬人卒九州穀 也不似磐空之在大澤乎計中國之在海内不似梯米 山也方存乎見少又奚以自多計四海之在天地之間 不可為量數而吾未嘗以此自多者自以比形於天地 、丈

若未生之時以其至小求窮其至大之域是故迷亂而 之不可故也計人之所知不若其所不知其生之時不 然則吾大天地而小毫末可乎北海若曰否夫物量無 而不改知時無止察乎盈虚故得而不喜失而不憂知 而不寡大而不多知量無窮證緣令故故遥而不問极 窮時無止分無常終始無故是故大知觀於遠近故小 分之無常也明乎坦塗故生而不說死而不禍知終始 以為博此其自多也不似爾向之自多於水乎河伯曰

議者皆曰至精無形至大不可圍是信情乎北海若曰 之倪又何以知天地之足以窮至大之域河伯曰世之 不能自得也由此觀之又何以知毫末之足以定至細 垺大之殷也故異便此勢之有也夫精粗者期於有形 夫自細視大者不盡自大視細者不明夫精小之微也

者也無形者數之所不能分也不可圍者數之所不能

窮也可以言論者物之祖也可以意致者物之精也言

大三百百 台書

之所不能論意之所不能察致者不期精粗馬是故人

金页四月石量 之至也河伯日若物之外若物之内惡至而使貴贱惡 之不可為們間日道人不聞至德不得大人無已約分 足以為勸戮恥不足以為辱知是非之不可為分細大 行外子俗不多辟異為在從眾不敗安論世之爵禄不 自贵而相賤以俗觀之貴賤不在已以差觀之因其所 至而使小大北海若曰以道觀之物無貴賤以物觀之 財弗爭不多辭讓事爲不借人不多食乎力不賤貪汙 人之行不出乎害人不多仁恩動不為利不賤門隷貨

たこうら と言う 湯武爭而王白公爭而滅由此觀之爭讓之禮克禁之 大而大之則萬物莫不大因其所小而小之則萬物莫 莫不然因其所非而非之則萬物莫不非知堯無之自 相無則功分定矣以趣觀之因其所然而然之則萬物 所無而無之則萬物莫不無知東西之相反而不可以 **想矣以功觀之因其所有而有之則萬物莫不有因其** 然而相非則趣操裁矣昔者堯舜讓而帝之智讓而絕 不小知天地之為稅水也知毫末之為丘山也則差數 艾編

其俗者謂之義之徒默默乎河伯女惡知贵賤之門小 室完言殊器也騏驥驊關一日而馳千里捕鼠不如狸 殊禪三代殊繼差其時逆其俗者謂之篡夫當其時順 明天地之理萬物之情者也是猶師天而無地師陰而 無陽其不可行明矣然且語而不舍非愚則誣也帝王 姓言殊技也編傷夜撮蚤察毫木畫出順目而不見丘 行實賤有時未可以為常也恐麗可以衝城而不可以 山言殊性也故曰葢師是而無非師治而無亂乎是未

多分四月月

其無私福泛泛乎其若四方之無窮其無所畛域兼懷 參差嚴予若國之有君其無私德絲絲乎若祭之有社 吾終奈何北海若曰以道觀之何贵何賤是謂反行無 大之家河伯日然則我何為乎何不為乎吾辭受趣舍 舉時不可止消息盈虚終則有始是所以語大義之方 始物有死生不恃其成一虚一滃不位乎其形年不可 萬物其孰承翼是謂無方萬物一齊孰短孰長道無終 拘而志與道大蹇何少何多是謂謝施無一而行與道 火にの記を書し . 义

貴於道即此海若日知道者必達於理達於理者必明 於權明於權者不以物害已至德者大弗能熱水弗能 論萬物之理也物之生也若騾若馳無動而不變無時 危寧於禍福謹於去就莫之能害也故曰天在内人在 反要而語極日何謂天何謂人此海若曰牛馬四足是 外德在乎天知天人之行本子天位乎得蹢躅而屈伸 湖寒暑弗能害禽獸弗能城非謂其薄之也言察乎安 而不移何為乎何不為乎夫固將自化河伯曰然則何

欽定四庫全書 滅命無以得殉名謹守而勿失是謂反其真爽憐蛀歧 謂天絡馬首穿牛鼻是謂人故曰無以人滅天無以故 勝數也全予動吾天機而不知其所以然蛇謂蛇曰吾 見夫睡者子噴則大者如珠小者如霧雜而下者不可 憐蛇蛇憐風風憐目目憐心变謂眩曰吾以一足吟踔 而行予無如矣今子之使萬足獨奈何蚊曰不然子不 何可易邪吾安用足哉蛇謂風曰予動吾脊将而行則 以眾足行而不及子之無足何也蛇曰夫天機之所動 文編

者雅我能也故以眾小不勝為大勝也為大勝者唯聖 然而指我則勝我鮹我亦勝我雖然夫折大木輩大屋 窮人 而不免命也求通久矣而不得時也當堯舜而天下無 入見曰何夫子之娛也孔子曰來吾語女我諱窮久矣 無有何也風曰然予蓬蓬然起於北海而入於南海也 有似也今子蓬蓬然起於北海蓬蓬然入於南海而似 人能之孔子遊於匡宋人圍之數西而經歌不報子路 人非知得也當桀紂而天下無通人非知失也時勢

龍少學先王之道長而明仁義之行合同異離堅白然 者獵夫之勇也白刃交於前視死若生者烈士之勇也 **飲定の車全書 已今吾間莊子之言江馬異之不知論之不及與知之** 陽虎也故圍之今非也請辭而退公孫龍問於魏年曰 不然可不可困百家之知窮衆口之辨吾自以為至達 知窮之有命知通之有時臨大難而不懼者聖人之勇 適然夫水行不避蛟龍者漁父之勇也陸行不避兕虎 也由處矣吾命有所制矣無幾何將甲者進辭曰以為

奚不時來入觀乎東海之鱉左足未入而右膝已繁矣 接掖持順蹶光則沒足滅跗還虷蟹與科斗莫吾能岩 於是逡巡而却告之海曰夫千里之遠不足以舉其大 也且夫檀一壑之水而跨時均井之樂此亦至矣夫子 吾樂與吾跳梁乎井幹之上入休乎缺發之崖赴水則 干仞之髙不足以極其深禹之時十年九潦而水弗為 仰天而笑日子獨不聞夫埳井之電乎謂東海之際日 弗若與今吾無所開吾喙敢問其方公子年隱機太息 通子乃規規然而求之以察索之以辨是直用管闚天 盡間之通過然驚規規然自失也且夫知不知是非之 竟而猶欲觀於莊子之言是猶使查負山商此馳河也 無北頭然四解淪於不測無東無西始於玄冥反於大 利者是非场井之意與且彼方此首泉而登大皇無南 必不勝任矣且夫知不知論極妙之言而自適一時之 移不以多少進退者此亦東海之大樂也於是掐井之 加盆湯之時八年七旱而崖不為加損夫不為項久推

次巴口草公馬

艾編

中子二大夫日寧生而曳尾堂中莊子曰往矣吾將曳 吾間楚有神龜死已三千歲矣王中笥而藏之廟堂之 大夫二人往光馬曰願以境內累矣莊子持罕不顧曰 而不合舌舉而不下乃逆而走莊子釣於濮水楚王使 而歸耳今子不去將忘子之故失子之業公孫龍口去 子之學行於邯鄲與未得國能又失其故行矣直匍匐 用錐指地也不亦小乎子往矣且子獨不間夫壽陵餘 一比範者寧其死為留骨而貴子寧其生而或尾於塗

欽定四庫全書 子曰子非我安知我不知魚之樂惠子曰我非子固不 魚出游從容是魚樂也惠子曰子非魚安知魚之樂莊 梁國而嚇我耶莊子與惠子遊於豪梁之上莊子曰係 是鴟得腐鼠雞雖過之仰而視之曰嚇今子欲以子之 而飛於北海非梧桐不止非練實不食非醴泉不飲於 之曰南方有鳥其名鵵雛子知之乎夫鵵雛發於南海 欲代子相於是恵子恐搜於國中三日三夜莊子往見 尾於塗中惠子相梁莊子往見之或謂惠子曰莊子來 文編.

晉文公將與楚人戰召舅犯問之曰吾將與楚人戰彼 我知之濠上也 循其本子日女安知魚樂云者既已知吾知之而問我 因百雜季而問之日我將與楚人戰彼眾我寡為之奈 信戰陣之間不厭詐偽君其詐之而已矣文公醉舅犯 衆我家為之奈何舅犯對曰臣聞之繁禮君子不厭忠 知子矣子問非魚也子之不知魚之樂全矣莊子曰請 難 韓非子

萬世之利或日雍李之對不當文公之問凡對問者有 欽定四庫全書 濮之事勞犯謀也夫用其言而後其身可乎文公曰此 因因小大緩急而對也所問高大而對以卑狹則明主 也仲尼聞之曰文公之霸也宜哉既知一時之權又知 非君所知也夫舅犯言一時之權也雍李言萬世之利 偷取一時後必無復文公曰善辭雍季以舅犯之謀與 楚人戰以敗之歸而行爵先雍季而後舅犯羣臣曰城 何雍季對日於林而田偷取多獸後必無獸以詐遇民 、文 · 編

所謂不厭詐偽者不謂許其民謂詐其敵也敵者所伐 世之利奚患不至戰而不勝則國亡兵弱身死名息拔 拂今日之死不及安暇待萬世之利待萬世之利在今 勝則國安而身定兵强而威立雖有後復莫大於此萬 李之對不當文公之問且文公又不知舅犯之言舅犯 日之勝今日之勝在詐於敵詐敵萬世之利已故曰雍 弗受也今文公問以少遇衆而對曰後必無復此非所 以應也且文公不知一時之權又不知萬世之利戰而

戰勝故舅犯有二功而後論雍李無一馬而先賞文公 文ALTME MAIN 然必曰出於詐偽者軍放之計也舅犯前有善言後有 之霸也不亦宜子仲尼不知善賞也管仲有病桓公往 信所以不欺其民也夫既以嗳而不欺矣言孰善於此 之矣舅犯日繁禮君子不厭忠信者忠所以爱其下也 功耶則所以勝楚破軍者舅犯之謀也以其善言耶則 雍季乃道其後之無復也此未有善言也勞犯則以兼

之國也後雖無復何傷哉文公之所以先雍李者以其

問之曰仲父病不幸卒於大命將奚以告寡人管仲曰 |安能愛君開方事君十五年齊衛之間不容數日行棄 微君言臣故將謁之願君去堅刀除易牙遠衛公子開 金罗巴尼人司聖 進之夫人情莫不愛其子今弗愛其子安能愛君君如 方易牙為君主味君主惟人內未當易牙烝其首子而 盖虚不久願君去此三子者也管仲卒死而桓公弗行 其母久官不歸其母不愛安能愛君臣聞之於偽不長 而好内竪刀自宫以治内人情莫不爱其身身且不爱

域矣明主之道不然設民所欲以求其功乃為爵祿以 人の可見にいる 勸之設民所惡以禁其奸故為刑罰以威之慶賞信而 忠臣也且以不爱其身度其不爱其君是將以管仲之 其主者管仲將不用也曰不愛其死安能愛君是君去 之欲也曰不愛其身安能愛君然則臣有盡死力以為 及桓公死蟲出尸不葬或曰管仲所以見告桓公者非 不能死公子糾度其不死桓公也是管仲亦在所去之 有度者之言也所以去堅刁易牙者以不爱其身適君

檀主也有檀主之臣則君令不下究臣情不上通一 金分四屋石書 且桓公所以身死蟲流尸不葬者是臣重也臣重之實 之力能隔君臣之間使善敗不間禍福不通故有不葬 度數於桓公也使去堅刀一堅刀又至非絕姦之道也 而姦不生無道則臣上塞主明而下成私管仲非明此 刑罰必故君舉功於臣而姦不用於上雖有監刁其奈 君何且臣盡死力以與君市君垂蔚禄以與臣市君臣 以際非父子之親也計數之所出也君有道則臣盡力

次足四車全書 一人 乎都子日吾敢不分謗子或日都子言不可不察也非 去三子故曰管仲無度矣 不敝於後安有不葬之患管仲非明此言於桓公也使 賞者君見其功有罰者君知其罪見知不悖於前賞罰 則已斬之矣郊子因曰胡不以殉其僕曰曩不將救之 尊貴而進大臣不因左右而見百官修通庫臣輻奏有 靡笄之役韓獻子將斬人都獻子間之駕往救之比至 之患也明主之道一人不兼官一官不兼事卑贱不待 、大編

約為炮烙崇侯惡來又日斬涉者之脛也美分於約之 是韓子之務已成而都子且後至也夫都子日以殉不 狗是重不辜也重不辜民所以起怨者也民怨則國危 足以分斬人之謗而又生殉之謗是何言分謗也昔者 郄子之言非危則亂不可不察也且韓子之所斬若罪 人紹子異分馬斬岩非罪人則已斬之矣而郄子乃至 所以敗也法敗則國亂若非罪人則勸之以殉勸之以 分謗也韓子之所斬也若罪人則不可救救罪人法之 **欽定四庫全書** 以分語者也 韓宣王問於楊留吾欲兩用公仲公叔其可予楊留對 使民望絕於上又使韓子不知其失吾未得紹子之所 謗且民之望於上也甚矣韓子弗得且望都子得之也 日告魏两用樓翟而亡西河楚两用的景而已都郢今 其所以為非而勸之以殉是使韓子不知其過也夫下 諺也益謗也且称子之往救罪也以韓子為非也不道 **令都子俱弗得則民絶望於上矣故曰郄子之言非分** 文編: 古

知言也 河郡郢之憂則必有身死減食之患是楊留未有善以 而劫弑今留無術以規上使其主去兩用一是不有西 術兩用不為患無術兩用則爭爭事而外市一則專制 用淖齒而身死乎東廟主父一用李光減食而死主有 君两用公仲公叔此必將爭事而外市則國必憂矣或 两用臣者國之爱則是桓公不霸成湯不王也湣王一 曰昔者齊桓公兩用管仲鮑叔成湯兩用伊尹仲虺夫

欠巴可真心的 一 其誠也欲便辭以止多刑也此不察治之患也夫刑當 變色日寡人其暴子於是損刑五或日晏子之貴踊非 對日踊贵而優脫景公日何故對日刑多也景公造然 景公笑日子家習市識貴賤乎是時景公繁於刑晏子 景公過晏子曰子宫小近市請徙子家豫章之圃晏子 無多不當無少無以不當間而以太多說無術之患也 再拜而辭曰且嬰家貧待市食而朝暮趨之不可以遠 難二韓非子 之後何為不易乎哉或曰桓公之所應優非君人者之 安乎夫情草茅者耗不聽惠盗賊者傷良民今緩刑罰 優笑日易哉為君一日仲父二日仲父桓公曰吾間 齊桓公之時晉客至有司請禮桓公曰告仲父者三而 行寬惠是利姦邪而害善人也此非所以為治也 敗軍之誅以千百數猶北不止即治亂之刑如恐不勝 人者勞於索人佚於使人吾得仲父已難矣已得仲父 而姦尚不盡今晏子不察其當否而以太多為說不亦

金河口屋人

大三百百 公馬 言則賞不當則誅以刑名收臣以度量準下此不可釋 爵禄所以賞功也設官職陳爵禄而士自至君人者奚 其勞哉使人又非所佚也人主雖使人必以度量準之 無逆賢而已矣索賢不為人主難且官職所以任賢也 羞也家羞辱而接君上賢者之憂世急也然則君人者 以刑名參之以事遇於法則行不遇於法則止功當其 以為宰干湯百里奚自以為勝干腸公媵所辱也宰所 言也桓公以君人為勞於索人何索人為勞哉伊尹自 文編

金分四月月 周 索人佚於使人者不然且桓公索管仲又不難管仲 事其雙倍死君而事其雙者必不難奪幼子而行天 也為其職也夫不奪幼子而行天下者必不肯死君 又不難明矣已得管仲之後奚遽易哉管仲非周公旦 死其君而歸桓公鮑叔輕官讓能而任之桓公得管 也君人者焉佚哉索人不勞使人不佚而桓公曰勞於 不難奪幼子而行天下者必不難奪其君國矣管仲 公旦假為天子七年成王壯授之以政非為天下 計 而

武湯武禁紂之臣也禁約作亂湯武奪之今桓公以易 之取舍非周公旦未可知也若使管仲大賢也且為湯 子糾之臣也謀殺桓公而不能其君死而臣桓公管仲 仲不肖人也且為田常田常簡公之臣也而弑其君今 とこうことう 又危矣管仲非周公旦亦明矣然為湯武與田常未可 桓公以易居其上是以簡公之易居田常之上也桓公 居其上是以桀紂之行居湯武之上桓公危矣若使管 知也為涉武有禁紂之危為田常有簡公之亂也已得 文編

必 故 頄 欺已也是知不欺主之臣也然雖不知不欺主之臣令 智術之士必遠見而明察不明察不能燭私能法之 强毅而勁直不勁直不能矯姦人臣循令而從事按 日桓公間主 不 公以任管仲之專任堅刀易牙蟲流出尸而不葬桓 父之後桓公奚遽易哉若使桓公之任管仲公知 孤憤韓非子 知臣欺主與不欺主己明矣而任臣如彼其專也

事不應故敵國為之訟百官不因則業不進故羣臣為 當堂之人擅事要則外內為之用矣是以諸侯不因則 士明察聽用且燭重人之陰情能法之士勁直聽用且 **砂定四車全書** 絕之外矣是智法之士與當堂之人不可兩存之仇也 利私耗國以便家力能得其君此所謂重人也智術之 法而治官非謂重人也重人也者無令而擅為虧法以 之用郎中不因則不得近主故左右為之匿學士不因 矯重人之姦行故智術能法之士用則貴重之臣必在 Į . **大** . 編

術之士欲干上者非有所信愛之親習故之澤也又將 其所自進也官爵貴重朋黨又眾而一國為之訟則 以自飾也重人不能忠主而進其仇人主不能越四 則養祿薄禮軍故學士為之談也此四助者那臣之所 以法術之言矯人主阿辟之心是與人主相反也處勢 而燭察其臣故人主愈弊而大臣愈重凡當塗者之 一般無黨孙特夫以疎遠與近爱信爭其數不勝也以 一也看不信愛也又且習故若夫即主心同乎好惡固 肋

火尼の見と言 勢不兩存法術之士馬得不危其可以罪過誣者公法 術之士美道得進而人主美時得悟乎故貨必不勝而 而逆主上者不修於吏誅必死於私細矣朋黨比周以 而誅之其不可被以罪過者以私剱而窮之是明法術 不得見當堂之人乗五勝之資而且暮獨說於前故法 爭其數不勝也法術之士操五不勝之勢以處數而又 不勝也以輕賤與貴重爭其數不勝也以一口與一國 新放與習故爭其數不勝也以反主意與同好爭其數 文編

厳主言曲以便私者必信於重人矣故其可以功伐借 故主上愈卑私門益尊夫越雖國富兵强中國之主皆 安能家死亡而進其說姦邪之臣安肯聚利而退其身 蔽主上而趨於私門者不 顯於官爵必重於外權矣令 者以官爵貴之其不可借以美名者以外權重之是以 **农然而人主壅散大臣專權是國為越也知不類越而** 知無益於已也曰非吾所得制也今有國者雖地廣人 人主不合參驗而行誅不待見功而爵祿故法術之士

分がいたんき

大巴印 百百百 左右論其言是與愚人 安存不可得也凡法術之難行也不獨萬乘千乘亦然 可生也與亡國同事者不可存也今襲跡於齊晉欲國 不知不類其國不祭其類者也人主所以謂齊己者非 人主之左右不必智也人主於人有所智而聽之因與 柄 亦非地與城亡也姬氏弗制而六鄉專之也今大臣執 地與城亡也吕氏弗制而田氏用之也所以謂晉亡者 獨斷而上弗知收是人主不明也與死人同病者不 (論智也人主之左右不必賢也

事左右不聽請謁矣人主之左右行非伯夷也求索不 金河口屋石電 得貨駱不至則精辨之功息而毀誣之言起矣治亂之 事人情其精潔而更不能以枉法為治則修智之士不 精潔固身其智士且以治辨進業其修士不能以貨駱 士羞而人主之論悖美人臣之欲得官者其修士且以 功制於近習精潔之行次於毀譽則修智之吏廢人 論賢也智者決策於愚人賢士程行於不肖則賢智之 人主於人有所賢而禮之因與左右論其行是與不肖

豪傑使能臣利在朋黨用私是以國地削而私家富主 得事主利在有勞而爵禄臣利在無功而富貴主利在 **吹定四車全書** 上早而大臣重故主失勢而臣得國主更稱番臣而相 患也且人臣有大罪人主有大失臣主之利與相異者 也何以明之哉曰主利在有能者任官臣利在無能而 乘之患大臣太重干乘之患左右太信此人主之所公 右近習之言則無能之士在廷而愚汗之吏處官矣萬 之明塞矣不以功伐决智行不以参伍審罪過而聽左

欺主下與之收利侵漁朋黨比周相與一口感主敗法 以亂士民使國危削主上勞辱比大罪也臣有大罪而 見而畏於死亡必不從重人矣賢士者修康介羞與姦 也臣有大罪者其行欺主也其罪當死亡也智士者遠 變勢而得固罷者十無二三是其故何也人臣之罪大 知患者必汗而不避姦者也大臣挾愚汗之人上與之 臣欺其主必不從重人矣是當塗者之徒屬非愚而不 室剖符此人臣之所以譎主便私也故當世之重臣主 欽定四庫全書 一人 者下之儀也彼將聽唱而應視儀而動唱嘿則民無應 是則與無上同也不祥莫大馬故上者下之本也上宣 明則下治辨矣上端誠則下愿懿矣上公正則下易直 索國之不亡者不可得也 也儀隱則下無動也不應不動則上下無以相有也若 世俗之為說者曰主道利周是不然主者民之唱也上 主弗禁此大失也使其主有大失於上臣有大罪於 正論尚子 文編

一贵上下危則賤上故上易知則下親上矣上難知則 畏上矣下親上則上安下畏上則上危故主道莫惡子 宣不利周故主道明則下安主道此則下危故下安則 難知則不明是亂之所由作也故主道利明不利幽利 使則功易知則明是治之所由生也上周密則下疑眩 矣治辨則易一愿愁則易使易直則易知易一 漸許則難使比周則難知難一則不隨難使則不功 |幽險則下漸詐矣上偏曲則下比周矣疑眩則難 一則疆易

難知其危乎使下畏已傳曰惡之者衆則危書曰克明 次足の日本はい 約為常有天下之籍則然親有天下之籍則不然天下 之為說者曰禁紂有天下湯武篡而奪之是不然以禁 明德詩日明明在下故光王明之豈特敗之耳哉世俗 下之後也勢籍之所在也天下之宗室也然而不材不 國雖不安不至於廢易遂亡謂之君聖王之子也有天 也令行於諸夏之國謂之王以是百官也令行於境內 謂在桀紂則不然古者天子千官諸侯百官以是千官

其義與天下之同利除天下之同害而天下歸之也禁 害無罪之民誅暴國之君若誅獨夫若是則可謂能用 莫不願得以為君師然而暴鹵獨侈安能誅之必不傷 足以縣天下天下無君諸侯有能德明威積海內之民 諸侯不聽令不行於境內甚者諸侯侵削之攻伐之若 天下矣能用天下之謂王湯武非取天下也修其道行 是則雖未亡吾謂之無天下矣聖王没有勢籍者罷不 中內則百姓疾之外則諸侯叛之近者境内不一遇者 大きつき へいう **未嘗合於柴紂也然則以湯武為弑則天下未嘗有説** 湯武者民之父母也禁紂者民之怨賊也今世俗之為 也直愿之耳故天子唯其人天下者至重也非至彊莫 而師民之怨賊也不祥莫大馬以天下合為君則天下 說者以無紂為君而以湯武為弑然則是誅民之父母 之之謂亡故禁約無天下而湯武不弑君由此效之也 其內全其惡而天下去之也天下歸之之謂王天下去 約非去天下也反禹湯之德亂禮義之分禽獸之行積 文絹

賢者賤之生民怨之禹湯之後也而不得一人之與刳 **愿至險也其志意至閣也其行之為至亂也親者疏之** 聖人備道全美者也是縣天下之權稱也禁約者其知 必稽馬是不容妻子之數也故至賢疇四海湯武是 比干囚箕子見死國亡為天下之大戮後世之言惡者 至罷不容妻子桀紂是也今世俗之為說者以桀紂為 之能任至大也非至辨其之能分至农也非至明莫之 知此三至者非聖人莫之能盡故非聖人莫之能王

金厅四样名言

|飲定四庫全書--未必不亡也天下者至大也非理人莫之能有也世俗 是何也曰國小具也可以小人有也可以小道得也可 小道得也不可以小力持也國者小人可以有之然 而 以小力持也天下者大具也不可以小人有也不可以 有國而不可以有天下竊可以得國而不可以得天下 大自以為有知也故可以有奪人國不可有以奪人天 有天下而臣湯武豈不過甚矣哉聲之是猶個巫政臣 下可以有竊國不可以有竊天下也可以奪之者可以

古並起於亂令也治古不然凡爵列官職賞慶刑罰皆 觸罪矣而直輕其刑然則是殺人者不死傷人者不刑 刑是謂惠暴而寬賊也非惡惡也故象刑殆非生於治 之本禁暴惡惡且徵其未也殺人者不死而傷人者 也罪至重而刑至輕庸人不知惡也亂莫大馬凡刑 菲糾屢殺賴衣而不統治古如是是不然以為治耶 之為說者曰治古無肉刑而有象刑墨點懂嬰共父畢 《固莫觸罪非獨不用內刑亦不用象刑矣以為人 或 則

欽定四庫全書 越不受制是不然涉武者至天下之善禁令者也涉居 者也刑稱罪則治不稱罪則亂故治則刑重亂則刑輕 犯治之罪同重犯亂之罪同輕書曰刑罰世輕世重此 之謂也世俗之為說者曰湯武不能禁令是何也曰楚 殺人者死傷人者刑是百王之所同未有知其所由來 伐有商誅約斷其首懸之亦施夫征暴誅掉治之威也 能不稱官赏不當功罰不當罪不祥莫大馬告者武王 報也以類相從者也一物失稱亂之端也夫德不稱位 **夫編**

蠻夷戎狄之國同服不同制封內向服封外侯服侯 享要服者貢荒服者終王日祭月祀時享歲貢終王夫 **賓服蠻夷要服戎狄荒服甸服者祭侯服者祀賓服者** 不同者械用備飾不可不異也故諸夏之國同服同儀 必齊哉故魯人以塘衛人用柯齊人用一章土地形 彼王者之制也視形勢而制械用稱逐過而等貢獻豈 之屬莫不振動從服以化順之曷為楚越獨不受制也 毫武王居鄙皆百里之地也天下為一 一諸侯為臣通達

是之謂視形勢而制械用稱遠近而等貢獻是王者之 則未足與及王者之制也語曰淺不足與測深愚不足 至也彼楚越者且時享歲貢終王之屬也必齊之日祭 たい可見と言 於天下夫有誰與讓矣道德終備智慧甚明南面而聽 以謀知坎井之竈不可與語東海之樂此之謂也世俗 天下生民之屬莫不振動從服以化順之天下無隱士 之為說者曰乾舜檀讓是不然天子者勢位至尊無敵 月祀之屬然後日受制那是規磨之說也溝中之齊也 文編

金好四屋名言 之也天下厭然與鄉無以異也以竟易竟夫又何變之 不更制天下厭馬與鄉無以異也以堯繼堯夫又何變 飾性則無以為民聖王以沒天下無聖則固莫足以擅 之有矣聖不在後子而在三公則天下如歸猶復而振 官皆民載其事而各得其宜不能以義制利不能以偽 死而檀之是又不然聖王在上圖德而定次量能而授 無遺善同馬者是也異馬者非也夫有惡檀天下矣曰 天下矣天下有聖而在後者則天下不離朝不易位國

たこり自己的 珍怪期臭味曼而饋代睪而食雞而徹乎五祀執為者 心至偷而志無所訟形不為勞尊無上矣衣被則服五 **采雜間色重文繡加飾之以珠玉食飲則重太牢而備** 而休也是又畏事者之議也天子者勢至重而形至失 節力則有良若夫智慮取舍則無良口老者不堪其勞 之分盡矣擅讓惡用矣哉曰老浪而擅是又不然血氣 有矣难其從朝改制為難故天子生則天下一隆致順 而治論德而定次死則能任天下者必有之矣夫禮義 **文編**

武泉脇中部護以養耳三公奉斬持納諸侯持輪快與 猶有善於是者與不者外也你猶有安樂恬愉如是 先馬大侯編後大夫次之小侯元士次之庶士介而坐 出戶而巫覡有事出門而宗祝有事聚大路越席以養 乎故曰諸侯有老天子無老有擅國無檀天下古今 安側載器出以養鼻前有錯衡以養目和鸞之聲步中 多分口用石言 人待西房居則設張容負依而坐諸侯趙走乎堂下 八隱窟真敢望視居如大神動如天帝持老養衰

欽定四庫全書 英也未象者天下之鬼一時之獨也今世俗之為說者 泉獨不化是非堯舜之過朱泉之罪矣堯舜者天下之 不怪朱家而非堯舜豈不過甚矣哉夫是之謂鬼說羿 而聽天下生民之屬莫不振動從服以化順之然而朱 朱泉不化是不然也堯舜至天下之善教化者也南面 大理者也世俗之為說者曰堯舜不能教化是何也曰 不知逆順之理小大至不至之變也未可與及天下之 也夫曰充舜檀讓是虚言也是沒者之傅陋者之說也 文編

由人此之謂也世俗之為說者曰太古海群棺厚三寸 殃非者有慶詩日下民之孽匪降自天尊沓背憎職競 也是不及知治道而不察於扫不扫者之所言也凡, 衣食三領葬田不妨田故不掘也亂令厚葬飾棺故掘 而無瑣自太皡燧人莫不有也故作者不祥學者受其 父者天下之善馭者也不能以辟馬毀與致遠堯舜者 下之善教化者也不能使嵬琐化何世而無嵬何時

鑫門者天下之善射者也不能以撥弓曲矢中王梁造

欽定四庫全書 一人 **觐以為實人猶且莫之相也是何也則求利之能緩而 樽加之以丹矸重之以曾青犀泉以為樹琅玕龍茲華** 故盗不竊賊不刺狗豕吐菽栗而農賈皆能以貸財讓 犯分之羞大也夫亂今而後反是上以無法使下以無 天下有道盜其先變乎雖珠玉淌體文繡充棺黃金充 風俗之美男女自不取於塗而百姓羞拾遺故孔子曰 王之生民也皆使當厚優猶知足而不得以有餘過度 之盗也必以有為不以備不足足則以重有餘也而聖 文纐

約草居而盜賊擊奪以危上矣安禽獸行虎狼貪故脯 而求利矣哉雖此保而埋之猶且必相也安得葬埋哉 失天性下失地利中失人和故百事廢財物屈而禍 乃將食其內而監其骨也夫太古薄葬故不相也 王公則病不足於上庶人 行知者不得處能者不得治賢者不得使若是則 葬故扫也是持姦人之誤於亂說以欺愚者而潮 而灵嬰兇矣若是則有何尤扣人之墓扶人之 、則凍飯贏瘠於下於是 亂 u 制

也 陷之以偷取利馬夫是之謂大姦傳曰危人而自安害 關者是菲知見侮之為不辱哉然而不關者不惡故也 矣應之曰然則亦以人之情為不惡侮乎曰惡而不辱 為說非以其辱之為故也今俳優侏儒狎徒詈侮而不 人而自利此之謂也子宋子曰明見侮之不辱使人不 曰若是則必不得所求馬凡人之關也必以其惡之 人皆以見侮為辱故閣也知見侮之為不辱則不關 "或入其央瀆竊其猪氣則援劍戟而逐之不避 文編

傷是豈以丧猪為辱也哉然而不憚勵者惡之故也雖 知辱莫大馬將以為有益於人郎則與無益於人也 其無益則不知知其無益也直以欺人則不仁不仁 以勿辱也豈不過甚矣哉金舌散口猶將無益也不知 少屬然則屬與不屬那亡于辱之與不辱也乃在於惡 以見侮為辱也不惡則不關雖知見侮為不辱惡之則)與不惡也夫今子宋子不能解人之惡侮而務說 人辱而退耳說莫病是矣子宋子曰見侮不辱應之 则


多定四库全書

是之謂勢荣流淫汗侵犯分亂理騎暴貪利是辱之由 上為天子諸侯下為柳相士大夫是榮從外至者也夫 **榮者有義辱者有勢辱者志意修德行厚知慮明是榮** 欠こり一下という 辨訟不次故所間曰天下之大隆也是非之封界分職 之由中出者也夫是之謂義榮爵列尊貢禄厚形勢勝 師而聖王之分榮辱是也是有兩端矣有義榮者有勢 名泉之所起王制是也故凡言議期命是非以聖王為 曰凡議必將立隆正然後可也無隆正則是非不分而 也今子宋子案不然獨訟容為已慮一朝而改之說必 大夫以為道官人以為守百姓以為成俗萬世不能易 辱难小人然後兼有之是榮辱之分也聖王以為法士 勢榮無害為桀義榮勢榮唯君子而後兼有之義辱勢 硃籍靡古鄉是辱之由外至者也夫是之謂勢辱是崇 辱之兩端也故君子可以有勢辱而不可以有義辱小 中出者也夫是之謂義辱詈侮捽搏捶笞臏腳斬斷枯 人可以有勢紫而不可以有義榮有勢辱無害為堯有

多分に足人門を

皆以已之情欲為多是過也故率其羣徒辯其談說明 其譬稱將使人知情欲之寡也應之曰然則亦以人之 **议定四車全書 綦臭形不欲綦佚此五綦者亦以人之情為不欲乎曰** 情為欲目不欲暴色耳不欲暴聲口不欲暴味鼻不欲 不行矣譬之是循以埤塗而塞江海也以焦僥而戴太 不若止之將恐得傷其體也子宋子曰人之情欲寡而 山也籅跌碎折不待顷矣二三子之善於子宋子者殆 (之情欲是已日若是則說必不行矣以人之情為欲

愿愁之民完衣食今子宋子以是之情為欲寡而不欲 情為欲多而不欲宴故賞以富厚而罰以殺損也是百 耶亂莫大馬今子宋子嚴然而好說聚人徒立師學成 多然則光王以人之所不欲者賞而以人之所欲者罰 文曲然而說不免於以至治為至亂矣豈不過甚矣哉 王之所同也故上賢禄天下次賢禄一國下賢禄田邑 不欲貨也好美而惡西施也古之人為之不然以人之 此五綦者而不欲多譬之是猶以人之情為欲富貴而



1	==:	1	l	1				
		1	1	1	}	1		1
		1	l	l .	l	1	ŀ	i I
		i	1	1	l	i	1	1 1
,		1	1	l .	l .	1		1 1
	_ X	1	1	į.	ļ	į.		'
1	\sim	1		1	i .	1	1	l i
	7.3	1		1	ì	i	l	1 1
	212		1	ł	•	ı	l	1 1
- 1	(ST#1	1	Į.	1	1	ı	i	1
- 1		1	1	ì	1	1	1	1
f	₹		1	ł]	į.	1	i 1
	-7<	I	í	1	1	Į.	l .	1 1
i	79 🔪	Į	1	1	1	1		1 1
		i .		Į.	l	l	1	1 1
- 1	-	1	I	i	i	1	1	1 1
- 1		ì	i .	ı	1	1	ł	
i	-	ı	I	l	l .	ı	i	
- 1		ł	1	i e	1	ł .	1	1 1
i	7	į.	1	1	1	} '	1	1 1
- 1	,	1	ī	1	1	i	j.	(I
- 1	文編卷二十二	i		i	ı	1	i	, ,
!	_	ı	i .	1	i	ı	ı	, 1
i		Į	1		[t	1	
1		I			i	I	1	
- 1					l	•	I	(I
		1		i	İ	I	ı	1 1
		1				1		, ,
i		í	1	1	1	1	1	, 1
- 1			i .		l	1		1 1
:						1		1
						1		
								!!
- 1	1					ľ	i	1 1
- 1	1			1		1) i
- 1						1	1	1
- 1	1	1						1
- 1	1			1 3		1		i 1
- 1						l		1 1
- 1						l		1 1
						ŀ		1 1
-1			1			1		1 1
1						i		1 1
. [İ)	1
- 1						1		
1						l		1 1
- 1						1		1
})		1		i 1
						1		1
- t						l		1
- :						1		i i
- 1						i		
. 1								i i
						ı	i	1
1							l	
- 1						1	i	
i		1	1		1	l		1
,		l	1	1		ł	ĺ	1 :
1					1	1	ı	1 1
- 3		1	1	1	l	!	ı	1 :
- 1		ı	1	i		l	I	1 1
- 1		i	i	[1	1 1
- 1		I		1		1	l	1
1		1	1	i		1	1	1
		I	1		ı		ı	1
		i	1				l	1 1
		ŀ	i .			1	l	1 1
		l	l l	1		l	l	1 1
		i	1				i	1
		i		1			I	1
		l	}	1		·	l	1
į		i					ŀ	1 1
1		1	1	1		l '	ì	1
		l	1	i .			!	1 1
- 1		١		L		L	l	L /
-								